

皇朝經世文統編



皇朝經世文統編目錄

通論部一

致直隸訥制軍書

天津新議續議

密陳夷務疏 節錄

擬陳洋務疏

覆奏洋務事宜疏

海防條議

覆奏總理衙門六條疏

上合肥伯相書

報貝君書

圖存四策疏

中國邊事論

通論部二

上張香帥書

上當道書

劉斐如部郎代某上張香帥書

上兩江督憲張香帥書

上某當道書

上劉峴帥書

謹擬時勢條陳摺

浙江舉人陳虬等呈請總署代奏摺稿

上某制軍書

擬上當道書

照錄容純甫觀察閱上總署王大臣條陳

條陳洋務事宜疏

南洋形勢

洋務首在得人論

論中國辦理洋務之難

論中外近勢

論時務

論不變法之害

論變法不知本原之害

續論變法不知本原之害

變法自上自下議

中國除害議

因時變法論

備夷策

答倭問興亞

強鄰環伺謹陳愚計疏

通論部三

變法自強疏

論中國不能變法之由

論欲自強宜先變法

變法當思務本論

中國利弊宜變通治法為善後議

論變法宜詳審弊端

中國變法宜審所先論

論變法

新政策自叙

新政策

以愛力轉國運說

論今日中國當以知懼知恥為本

論中國之弊在不能務實

論中國之患在不能通力合作

西人為患中國之由

救時四策

救時十二策

醫中國藥言

縱論時事

變法平議

通論部四

興亞策

振興中國三大綱論

原強

自強大計摺附片二件

議覆盛京卿條陳摺

論中國之將強

中國自強策上

中國自強策中

中國自強策下

中國論

論中國守舊黨不如日本

論自強以開民智為先

富強策

論富強當先務本

通論部五

富強論攷

上下節儉以求富強論

論中國積弱由於防弊

與八旗諸君子陳說時局大勢啓

論今之時局與戰國大異

論世變之亟

救亡決論

國朝六大可惜論

論學會

論教會

論中國會匪宜設法安置

美民自主記

地球六大罪案考總序

國人不可使有黨論

論興亞會

保商會說

中國宜興博覽會說

創興紅十字會

紅十字會歷史節譯

論西人創設天足會事

論西國宜創行天腰會

美國費城商務博物會記

論瑞典國將啓新聞大會

覆廣學會李提摩太書

皇朝經世文統編卷一百

通論部一

致直隸訥制軍書 金壺浪墨節錄

浙江巡撫 劉韻珂

浙省軍興以來商民助餉為數已多甯郡為全省精華逆夷搜括一空上年秋歉饑民滋事集貨賑濟實已竭蹶復以餉夷之銀勸令捐輸勢必不應若如川省之議增糧賦萬不能行必致忠義之心變為怨怒之氣故剿夷之銀可勸捐而餉夷之銀不可勸捐也某惟據實陳奏不敢稍有欺蔽愚懸之言惟大君子含容而辛教之就近天下大勢而論文官愛錢而得死武官既惜死而又愛錢以致帑藏空虛脂膏罄竭軍無鬪志民有亂心戰固敗守亦敗和更敗然戰守之敗敗於無人和之敗敗於失策逆夷之反覆與否姑不具論即目前善後之計已有僥焉不終日之勢蓋助夷為逆者漢奸也除尋常偵探放火各犯外其為逆夷主謀執戈相向者何止萬人夷雖戢兵若輩混跡不去藉夷之勢作奸犯科以謀衣食官不能詰吏不能捕一也夷既以兵脅和夜即自大通商馬頭清道而前文武官吏皆將如尹邢避面二也取人財貨掠人子女出入蘇杭街市孰能禁止三也不軌之民干犯國法一經逮問則竄身夷館即屬干城四也民犯夷則惟恐縱民以怒夷夷犯民則又將捉民以媚夷地方有司知有夷而不知有民五也水師將弁本多法儒洋盜出沒搶劫商旅或懸一大英國旗號我兵勢雖查緝且亦願以此自解六也力脅通商必求免稅西洋諸國大半為英夷所降服此後貨船我設關而彼取稅七也黃巖一縣貧富吸煙果果出日聞其無人宵靜燈紅乃開鬼市通商之後煙禁大開鬼市將成八也年來干戈擾攘專為禁煙禁煙專為漏銀鴉片仍行銀盡可待九也國家所持以通商裕課者銀也今銀漏於夷法亂於夷財匱民窮且生他變即戢兵亦復何及十也撫綏既定後患頗多伏念計出萬全定必預防流弊而鄙人鯁鯁過慮者不得不即管蠡之見更為執事陳之英夷船隻散處閩粵浙蘇甚多者退出之後或有他國出而效尤或即英夷託名後至別肆要求我未能深察夷情更安能盡服醜類此不可不應者一也英夷在粵初已就撫迨給與銀兩復肆滋擾此次議定後或稱國王之命謂郭僕等首辦理不善調回本國別生枝節此不可不應者二也逆夷屢有北赴天津之說上年投書之陳在鎬及今誘獲之郭僕義子陳棟言雖給銀割地終不肯不往天津而前索通市馬頭卻又置天津於不問反覆詭譎情殊可疑能杜其北上之謀方免事後之悔此不可不應者三也通商之後各省關稅自必明定章程萬一英夷阻勒如故勢不能聽其病商擾課一經追究必啟爭端此不可不應者四也澳門定制民人與英夷獄訟一聽有司

訊斷萬一案涉夷人抗不交出山犯如廣東林經喜之案何以戕夷暴而平民心此不可不慮者五也罷兵之後各省海口仍須設防如修造礮臺戰船增設兵伍管卡初非剿夷而猜嫌阻撓致海防不能整頓此不可不慮者六也通商定議須治奸民應令夷人悉數交出定地安插否則介乎夷漢之間恃夷犯法萬一夷人護庇官法難施必生罅隙此不可不慮者七也英夷既立馬頭則馬頭之外不容上岸倘或任意闖入掠取牲畜婦女民人不平糾合抗拒夷必歸罪於官即起兵與開罪之師此不可不慮者八也名曰通商而英夷拆毀定海城垣建造夷樓挈眷居住倘各省均如定海轉盼之間即非我有恐非通商體制此不可不慮者九也中國凋敝之故由於漏銀出洋夷船既多漏銀更甚適令會子交子之弊將行國用民用生機交同此後雖準以貿易貨比前更須嚴禁漏銀分毫出洋殺必無數而釁端之開即在於此此不可不慮者十也

古人經世之語當時忽之往往驗諸數十百載之後精誠所注若合符節雖百世可知也書中所慮邊海防抗官法關寇市縱奸民行交子及夷人蓄志天津多方挾制由後觀之不爽鉢黍以公之深心慮事若此倘得從容展布別無家面畏蕙輩掣肘其間夷雖狡豎至是哉黃鈞字識

天津新議續議中西紀事

咸豐八年大沽之役桂相等至津英人擅定通商新議五十六條奉上諭稅則之款必須至滬商定續因滬議定後該酋換約不遵照會其事遂寢然于九年在浙見西人將五十六條刊入通書中因攝其大畧記之迨十年京師換約英法要請將戊午原約及現定續約頒示各省督撫大吏按照辦理遂並滬中所定稅則刊刻通行閱其餘後悉由洋人任意增減王大臣等盡相受成而已今次之如左

一約內有居住京師一款言英國官員及所帶眷屬可在京師或長行居住或隨時往來悉由該國自便等因查此款自乾隆五十八年該國主貢表文內請援俄羅斯之例遣人寄住京師照管該國貿易之事奉 純廟諭旨皆以天朝無此體制俄羅斯從前在京城設館因未設立恰克圖以前暫行給屋居住嗣因恰克圖既設即在彼處交易買賣不准居住京城已數十年該國現有澳門洋行發賣貨物又思在京城另立一行 天朝疆界嚴明不得越境攪雜所請在京城立行之事必不可行等因洎貢使回國特將 敕諭二道頒付粵東疆臣備入檔案迨道光庚子辛丑間連犯浙粵擾其月報謂中國待彼不肯照大西洋俄羅斯一樣自靖相奏給香港不復垂涎濠鏡而寄住京師白門議中未之

及也今大沽之役首以事請約內雖無京師設行貿易之語而其屢請受塵若非有意通商卽是覬覦國事況天朝舊制通商在粵亦不許在城內設立棧房及擅入省城故粵人有二十九年重定之約首禁洋商入城致有七年十二月之事今查約內第一款內載前壬寅年七月二十四日江甯所定和約仍留照行廣東所定善後舊約並通商章程現在更張既經并入新約所有舊約作為廢紙等語蓋因入城一款終慮粵人持其前約而幸之也寄往禁城則各省之入城誰敢侮之可以知其用意之深遠矣查天津混中之議以換約不遵而罷故准駁亦允明文今閱其續約第一條會商所定之議茲特用明作為罷論仍照原約第三款進行等語此欽也然則寄往京師當日在滬並未准行後來扶兵要請始照原約許之

議沿海之區欲於舊約五口通商外增設牛莊登州臺灣潮州瓊州等處又欲於長江一帶自湖北漢口鎮沿流至鎮江入海之路俟粵匪盪平其選擇不踰三口為洋艘出運貨物來往之區按長江自吳淞而西經歷江蘇安徽江西湖廣等處皆漕運來往之通衢外洋船艘自二三百噸以下者均可在江行駛該洋人沿途停泊登岸偶有弊端便以火輪數艘橫截江面運道為之梗塞又或與糧船水手鬥毆滋事或船隻被其轟沈或重運遭其擄掠是國家正供之入適足為齷齪糧寇之資現雖試行海運而上游四省之漕豈能越江而飛渡哉越之強也伍子胥懼其與我爭三江五湖之利魏之入荊州也吳張昭謂長江之險與我共之自此議成而東南之患中於腹心矣

十年換約便請暫在漢口九江兩處先行開商是其垂涎已久

一議江甯舊約所載各貨稅則之多寡以價值為率每價百兩征稅銀五兩近則各種貨式多有價漸減而稅較重者請重修改定並議以此後十年一修改等語該洋商志在牟利析及稚刀亦无足怪惟進口之貨自海口納稅後准由中國商人徧運內地所過關口應聽中國按價估稅與該洋人無涉而自五口既開外洋商人有携帶洋貨私入內地銷售者又有在內地買賣運至海口下載者經由各關口中國祇知照貨納稅不問中外商賈於是該洋人有議免抽征之請謂不論關口之多少凡子口之稅以一次總納為準因定照海口稅例減半於首至之關口每百兩納稅銀二兩五錢給票為憑嗣後經由各口驗票放行不令重納又議外國商船應納鈔課一百五十噸以上者^{一噸與二百八十噸}為一每噸納鈔銀一錢亦給票為憑不復再納凡此紛紛之議無非該洋人自占便宜兼為華商作僥倖蓋洋人貨物之交受例不得越海口一步一自通商暢行出入自便此後洋人入內地即藉華商為導虎之俟華商至內地又藉洋人為腐鼠之嚇試問中國自征其商而偷漏影射之弊端在在不免何況逆勢日橫奸商弄民推其波而助之瀾雖有

智者不能善其後矣。總領事衙門執照前赴安徽之屯溪江西之河口義甯州等處米辦茶葉大半華商導之也。

一約內言英國民人有犯事者由英領事查辦中國人有欺虐英民者由中國地方官查辦若有兩國交涉事件彼此會同審辦等語查錢清門毆之事中國定制由州縣審辦若欺虐外國之人經地方官查知其曲在我自可先行查辦倘衅端自彼起即已入華洋交涉事件彼事照會該領事會同審辦均無不可乃約內載明正領事與中國道員平行副領事與中國知府平行因之一遇交涉事件反赴州縣而訴於道府遂藉道府以脅制州縣況各領事現住海口有事輒排闥入監司衙門咆哮凌虐並方面官亦視之蔑如也憶臺灣二十二年紅毛供詞言其小卑頭設立文官如中土知縣者曰未士洛云今見香港上海各處洋行招帖皆冠以未士二字意即外國除授之官衙在中國則與牙戶無別乃得與天朝之州縣平行其製甚矣。

一議中國民人有犯罪逃至英船及外洋寄居之房屋內一經中國官員照會到該領事即行交出不得徇庇隱匿等語此已載入江甯條約中而自五口通商後屢以照會移取起衅甚至有毆殺中國民人抗不交出凶犯者蓋英人收捨人心專以受降為得計予見西人月報言各國罪人有逃入英境者英皆容匿之而其本國緝捕罪人不得以兵船輕造英境是其至外洋各國來往之定例故中國雖有照會交取之約多成具文至其所定中西交易有欠債不償潛行逃避者彼此知會緝拏追繳一體辦理立法非不善而予聞上海交易成後應付華商銀兩洋商給以銀票票期率在對月多則五十日之限及屆期憑票取銀竟有不肖洋商私自逃回還將貨行開歇者華商訴於領事領事置之不理此見於西人自謨之月報中且云洋行欠帳私逃不獨華人受其累即各洋商皆以為不便等語蓋彌彌人之詞也然華商悟其詭詐屢欲變易其對月取銀之例卒不能行故咸豐初年滬口生意漸不如前至有茶商仍欲改道赴粵東者然則通商善後之約該酋陽奉陰違徒以此玩中國官民於股掌之上而已。

一傳習天主教一條江甯約中已有之然尚無華人弛禁之明文不過言彼國教士之至中國者請免查辦而已自道光二十五年法人在粵陳請在各港口設立天主堂並華民之入其教者概免查禁部議先行自後各省華民公行無忌今查英國條約內載明耶穌聖教天主教二項蓋英人自路德改立耶穌教於是禁行天主教觀瞻西而不悟耶穌之即天主也法郎西所奉則仍是舊行之天主教一日加克特立教時英人借助法兵故約內並及之若法國之約則但云天主教而已惟西人矜其教法驅除異己各小國有不從者脅之以兵五印度及回疆之役屬於英者今悉改行耶

蘇教甚至如東洋之日本暹羅向與西洋人天主教為仇者近年英人日強皆藉通商之約傳教於其國而日本暹羅亦畏其強不敢詰今又欲以此強中國豈非欲用夷而變夏哉

一約內議用漢字英文字一條查英人兩次入貢表文皆由中國繙譯進呈據乾隆六十年粵督朱文正公奏稱有西字正

副表二件伊國自書漢字副表一件臣等公同開驗其漢字副表雖照中國而文理舛錯難以句讀隨令通曉西書之

通事將西字核表與漢字表核對另行譯出等語是該國雖有自書之漢字詰屈難通仍由中國人通習西語者另行

譯出並不責以漢文正本配送迨嘉慶中廣州知府楊健詳定英人商稟許用漢字自後該洋人久居中土多以中國

言語繙譯彼國古書改馬利遜有華英字典之輯悉依康熙字典註釋是時純廟敕諭二道由該國副使斯當東繙

譯迨嘉慶二十一年之敕諭則馬利遜繙譯蓋馬亦時為副使詳致英人貢使皆以武臣為正文臣副之皆見西人

紀載中同文之治漸染外邦故英彌二國皆建書院俾洋人習漢字者居之今約內欲請中國選派學生學習英文以

便他日文書往來不用配送漢字是欲以外邦之言語文字強中國傳習抑已汰矣自十年撫事定後總理衙門奏定

飭廣東上海挑選專習英法美三國文字語言之人來京差委挑選八旗子弟學習除俄羅斯等國前定章程由該館通商外其英法美教習及學習之人薪水獎給照俄國斯館議定之例辦理又查俄羅斯館所設學堂由該館通商

局改作衙署尚有盛房稍加修葺作館舍免致在外滋事等因是王大臣等已議及之矣

一議中國照會公文不用夷字予見西人月報言夷者鄙夷之稱外國人多忌用之不覺失笑夷為東方之國名又為四

裔之總稱說文夷從大從弓大人持弓也此於六書為會意六先蠻猶皆以獸名獨夷從人從大以魏為大名之例推

之不可謂非美號也說文言東夷有君子不死之國說文廣其開其言不死之孔子言仁者壽子欲居九夷有以也

夫然則夷字之稱正以其國有君子多壽考而錫以嘉名近日西人頗不乏彬彬爾雅之士胡弗之考也

一滬中所定稅則名曰通商善後條約英十款法彌同大都本天津新議所定貿易各款推廣言之其餘則臚列出口進

口之貨酌定稅額銀數而已准其第五款內稱向來洋藥銅錢米穀玉石硝磺白鉛等物例皆不准通商現定稍寬其

禁聽商遵行納稅貿易洋藥一項現准進口議定每百觔納稅銀三十兩准該商止准在口銷售一經離口即屬中國

貨物祇准華商運入內地外洋商人不得護送即天津條約第九條所載英民持照前往內地通商並二十八條所議

內地關稅之例皆與洋藥無涉其如何征稅憑中國辦理嗣後遇修改則仍不得按照別貨定稅等語查舊制洋商進

口之貨祇準在海口銷售一經離口即係中國貨物其出口之貨亦由華商運至海口與之交易不准洋商運入內地

自行米辦此自來各貨進口之通例今天津新議第九條准聽英國人持照前往內地各處通商毋得攔阻又二十八條准聽英商貿易出入內地照海口稅減半祇完內地一口之稅以後驗票放行不令重納是二百餘年之舊例一旦掃而空之故往相等在滬語以洋藥一款新定稅則本不與他稅等且貨輕價重易啟偷漏影射之端應請另款辦理於是該洋人始有稅則第五款之議然自長江通商洋商佔立馬頭深入內地豈能保其不夾帶鴉片又豈能保其不勾串華商相與影射必至陽奉陰違毫無顧忌他如銅錢米穀等項不准運往外國仍准其在內地各口往來貿易凡此議不過掩耳盜鈴之計而已地商稅過重具詳洋藥卷中是華商英商串通一氣之證天津新議據其約內所記在咸豐八年之五月其稅則之定自滬中者則十月也此等條約直至十年換約之後始奉頒行是時英法挾兵要請續增英款九條法款十條准彌國之約仍係八年所定並無續款然已預為異日張本矣俄人之約則又意在申定邊界載入續約中今更進而論之如左

一英人續約首在索賠據其八年所定專條議價商虧二百萬軍費二百萬由粵省設措清款復交出粵城等語今續約又索增費四百萬合前所計共八百萬議於十年十月在津先交五十萬又於粵中交銀三十三萬三千三百餘兩其餘在各關所收稅內扣繳二成以三個月為一結仍以二百萬賠補粵中商虧其六百萬悉抵兵費一也八年天津新議第三條所載在京居住一節未奉允行今請仍照原約或在京長住抑或隨時往來總以自奉該國君主之諭旨為定二也八年所議各口通商天津不在其例今續約內論天津郡城海口作為通商之埠均照各口章程一律辦理三也粵東有九龍司地方前經兩廣總督崇光給與該洋人作為在粵總局由該國在粵之領事已夏里批租住在案今續約第六款請將地界歸英管轄撤銷前次租批與琦相在粵奏給香港一島同為割地誅其心一為年利起見一因巴夏里被執不甘作為中國酬罰之款四也換約之後僅許退出京地及舟山屯兵其天津並大沽礮臺暨登州北海廣東省城等處應俟八百萬清款後始行退還即使早退亦必俟彼國君主諭旨施行較之八年原約退出廣東省城者又增數處五也其餘重複及貿易瑣屑者不錄夫犬豕羊獸而人者也狼子野心人而獸者也周公兼夷狄驅猛獸司馬相如之諫獵曰卒然遇軼材之獸駭不存之地犯屬卑之清塵是胡越起於數下而羌夷接軼也豈不殆哉今以輦轂之下戎狄猛獸並域而居一旦有觸藩之變街衢之虞則是遇軼材之獸而京師豈復有可存之地哉非族之逼將有侵凌卧榻之旁防其睥睨何況寇窟營鳩居不返此誠不可一朝居者也天津之約主自學國太續增之

約則巴夏里所定以彼在粵充當領事粵中之禍夫已氏實始終之迄八年新安之役粵人懸重賞購其首逃回本國遂謀充額羅金參贊怡王入通議撫則彼單騎赴宴僂卧郊中坦然無備迨其受擒則惡貫已盈依然脫網而出此與李國太之在天津被擒復釋果何恃而不恐此則天下後世所不解者也商虧之款蓋六七年間粵人焚其城外洋行索賠房屋貨物者也無論商民平等大免之逐蠻觸之爭不足為異即以報復言之該洋人連燒我兩次礮臺亦足取盈矣若夫濬我宮壞我室是殆天之欲逞其心以厚其毒而後降之罰不自愧悔又肆貪婪在彼癩犬吠非其主曾不足怪而在京內外之王大臣等不聞興借一之師稍挫其方張之敵彼則如虎我則如鼠城下之盟宜一任其子取子水之不竭矣至於北塘之盟口血未乾而背之今六次償款遂及二年或因關口稽查致饒唇舌或因稅課虧短稍涉稽遲則隨地隨時皆可藉端起衅彼時以子之矛陷子之盾豈非藉寇兵而齎盜糧哉雖然賠銀割地彼之所求者利而已惟名與器不可以假人春秋重中外之防通鑑嚴正閭之辨故楚難王也而魯史貶之為子魏固帝也而武侯守之為賊至於東晉以後五胡亂華寇履易位而北謂南為島民南謂北為索虜未嘗以敵體相況也後晉之尊契丹以石敬瑭為其所立而其子猶不受惟南宋之後金元始大數傳而卒不振我太祖龍興關外值明之李世天與人歸蒙古首上尊號然尚不欲抗衡中國屢次議和皆出自太宗之意並請來往文移依一格仍用前頒龍虎將軍之印是知天道虧盈而益謙我朝之所以卒受天命者此也今以數萬里外不賓之荒服一旦馮陵中夏竟使嚼火爭明十日並出此豈但陰之疑陽紫之奪朱而已哉予見士寅江甯之約英國尚依一格閱二十年遂成敵體其約內稱君主者乃外洋女主之書法也非貶詞也

一法國之約八年所定四十二條外又立專條言西林縣知縣張鳴鳳殺該國傳教人馬神甫請將該縣革職永不叙用載入約內其餘所定各口通商往來儀注及一切稅課事宜俱與英前所定五十六條大畧相同准軍費賠款議定二百萬英人較前減半今以稱兵得志亦請續增十條附入天津新議後第四條改前定二百萬亦增至八百萬除在海關已收數外議定本年十月先在津郡交銀五十萬餘在所收稅內分五次扣除其八百萬內撥出一百萬作為法商住粵被燒賠補之用其餘皆作為軍費等語又第七條內稱該國水陸二軍俟收銀五十萬即退出天津仍駐屯大沽礮臺待中國各地方全行退出境外又第八條內稱現駐天津之兵俟五十萬交清後退駐大沽礮臺惟統兵官仰請暫駐天津過冬餘與英人續約大畧相同予按法人之索商虧索兵費以八年較英人減半計之即使議增亦不過四

百萬耳今啟英之尤在彼國多多益善在我乃默默無言傳聞本年桂相赴津議機曾許英人一千二百萬後英兵入京城法使噶嘯居間作說客來往調停遂較前議減去四百萬然在英人則減之在彼則增之是藉以收漁人田父之獲也各海口貿易英居其首花商次之若以法論則每年出口之船不過數隻皆鐘表呢羽輾細之物是英之稅多而法之稅少也英之暮四尚易自朝三法之一義乃集於眾腋是英之所取者勞而法之所取者逸也雖然英借助於法而餌之以利法憑藉於英而生享其成曾不思壤地同而求其濟欲者正自踐養吳之計也無萌之患必不免於象齒之焚亦終必亡而已矣

一彌人換約事在九年今其條約三十款仍是八年所定附於英法二國之後查該國向不立君長紳民公舉有名望者一人住華盛頓都城總理二十七部之事是亦斯丹甲必丹之舊制也西人以一部之長為斯丹甲必丹一曰斯丹甲必丹是彼言丹者即中國里長納長之類乃居然以大伯理璽天德與大清皇帝平頭雖其八年所定條約照英法款式然九年大沽之役已停止英人換約彌人卑詞請款正宜與之說明仍照粵東舊約款式即使該國主業已鈐印亦可令其回國更換遲至來年再行換約未為失信何以王大臣等不加究詰一律允准且就其約內所定各款效尤之漸實不可長加第五條言該國使臣遇有要事不論何時應准到北京暫住但每年不得踰一次到京後迅速議定不得耽延應由海口或陸路不得駁駕兵船進天津海口中國派地方官照料若係小事不得輕請到京至上海必須先行照會禮部所帶跟隨人等不得踰二十人之數云云詞意尚為恭順乃又於第六款內載明嗣後無論何時在中華大皇帝願與別國立納允准之處以及在京師居住或久或暫應許該國來使一律照辦同沾此典等語核與第五條不准耽延及每年不得踰一次之語自相矛盾又十五條內載合眾國民人在各港口貿易者除中國例禁不准攜帶出口進口之貨外其餘各項均准販運往來至買賣應納稅餉准照貼附在望廈所立條約例冊倘別國有按此條約更改者即應一體均同等語又第三十條內載現經兩國議定之後倘大清國有何惠政恩施及他國或關涉船隻海面通商往來等件為此條約所無者亦當准該國官民一體均沾等語凡此重言絮語皆為後來海約張本且預知後來英法所請必有更進於此者即如約內並無長江通商之款又各海口但有廣州潮州廈門福州臺灣甯波上海等處則是五口之外僅增潮州臺灣兩處與英法條約之兼有牛莊登州瓊州各口者不同自十年英法換約又增入天津淡水兩口凡此即彌人約內所謂有惠政恩施及他國為此條約所無者亦一體均沾固已預為道地包掃一切而此中生收

漁人之利已不少矣彌人亦點矣哉

一俄羅斯之約其與英法異者彼為增索賠款多占馬頭此則要求割地意在更張康熙雍正兩次會盟定界之前約也查八年天津原議第十二條除陸路所定邊界照舊通商外議增海口之上海寧波福州廈門廣州臺灣瓊州七處又載明此後若有別國在沿海增設口岸者亦准該國一律照行一也舊制俄人不入朝會之列惟理藩院設庫倫辦事大臣掌蒙古與俄羅斯通商之事與東西兩將軍會商行文于其國薩那特衙門不直達其汗也今改議由該國總理事務大臣與中國軍機大臣或大學士往來照會俱按平等設有緊要由該國專遣使臣到京師其行走或取道恰克圖或由就近海口悉聽其便二也兩國邊界有從前未經定明者應各派大臣秉公查勘清理疆界載入約內續圖立冊以昭信守三也其他貿易項屑之條大畧與英法彌三國同至十年續定之約則意在申定邊界以防異日爭端其第一條議明此後兩國東界由什勒喀額爾古納兩河會處即順黑龍江下流至該江烏蘇里河會處其北邊地屬俄國其南邊至烏蘇里河口地方悉屬中國又自烏蘇里河口而南上至興凱湖兩國德界以烏蘇里及松阿察二河作為界限其二河以東之地屬俄國二河以西之地屬中國又自松阿察河之源中外交界處踰與凱湖直至白稜河又自白稜河口順嶺至瑚布圖河口再由瑚布圖河口順彈春河及海中間之嶺至圖們江口其東皆屬俄界其西皆屬中國界以上凡遇中外交界之處繪為地圖以永然識別上寫該國繕譯地名立定界牌永無更改至此等交界均係空曠地方遇有中國人住居漁獵者俄國不得占逐仍准華民自行照管此所定黑龍江一帶之東界也第二條載明西疆交界此後應順山嶺大河之流及見在中國常駐卡倫等處及雍正六年所立沙賓達巴哈之界牌末處起往西直至齊桑渾南湖又自此往西南順天山之特穆爾圖渾南南至浩罕邊界為界此所定西江一帶之西界也第三總判云嗣後交界遇有含混相疑之處即以上二條所定之界作為解證東邊自興凱河至圖們江中間之地西邊自沙賓達巴哈至浩罕中間之地設立界牌由兩國派出大員秉公查勘東界查勘自烏蘇里會齊於咸豐十一年三月內辦理西界查勘在塔爾巴哈臺會齊商辦不必限定日期所派大員即按所指各交界作記繪圖各書寫俄字二分中國或滿或漢字二分兩國交換畫押用印以憑信守以上俄羅斯新定之邊界大畧如此核以康熙二十八年及雍正五年所定之邊界更改侵占予取予求竊恐將來必有無厭及我之患查現在所定東邊交界皆在黑龍江之北岸而俄人在江中修製戰船設立礮位俱見于西人月報中又言咸豐五六年俄人以土耳其之役為英法所攻悉遷其各埠

貨物于黑龍江之南北兩岸南岸逼近內藩中國兵弁阻之不得是其得步進步之漸至西疆俱係回部叛服不常一遇蠢動中西相持俄人又將從中窺衅以收漁人田父之利此不可不慮者也

密陳夷務疏節錄

殷兆鏞

竊惟今日國事之最切莫如洋務海防之一端議戰議守議撫議防至不一矣而二三十年以來卒無定論古人云知己知彼百戰百勝正不必論我之制彼如何當先察彼之勝我安在近人之羨幕而陳息於西洋者一曰富二曰強所謂富者各處洋面占據馬頭歲入之款倍於中國而已所謂強者船堅礮利新式火器層出不窮而已至於其所以致富所以致強之道無有能揣其本而探其源者縱有其船有其礮而駕駛開放之技藝不如也堅忍勇鸞之心不如也如山不動之號令不如也則與無船無礮又何異哉試以最近之事較之我大清國龍興東土以騎射為絕技當時與朋人交戰明人有鳥槍大礮而我則無之與今日我之槍礮不敵西洋情形相類然明人有槍有礮往往不及施放而我之勁弓怒馬已至其前明兵率棄槍礮以逃其故無他人心一齊一不齊士氣一勇一不勇之別耳固不在有器無器也前年普魯士與法蘭西相鬥法國之早隊槍礮冠於泰西千百年來為雄無敵普魯士乃偏小之國徒以君明臣良蓄謀歲久殫精竭智上下一心遂使法蘭西火器諸技失其所恃而為普所挫敗是西人與西人交戰所用輪船槍礮兩俱精良惟以人之心整齊渙散分勝負中土日習火器即事事盡其巧妙亦不過與法蘭西之礮船等相極矣使不先求鼓勵兵心整飭刑政設有如普魯士之強銳無前者我能不為所挫乎故以前明之有火器與國初之無火器言之則有者敗而無者勝以普法二國言之以火器著名者敗而火器未著名者勝然則其所以必敗所以必勝者當以兵心之勇怯為優劣而器之有無利鈍實為第二義灼然可觀矣以中土十八省分南北兩途南人工於文詞精於書寫北人往往不及焉乃北人祇教南人之筆硯精良紙墨華美而不能於幼小之年耳濡目染如南人之勤學無厭也北人習於弓馬善於馳騁南人亦不及焉乃南人之效北人但購其名馬高車勁弓健矢而不能如北人手足胼胝耐習勞苦無益也以同一中華之人南北異宜尚不能事事相師反客為主乃一旦欲強開天闢地以來數萬年之人心風俗驅迫之以效法西洋雖以漢武秦始之感其不能有尺寸之效亦明矣臣愚竊謂目下中華之於東西洋情勢有無足慮者三不易學步者三大有可為者三敢為聖明詳陳之按泰西大小各國以數十計而不能統於一尊最大者為英為俄為法為美而普魯士後出亦頗頡頏其間與中土從前之戰國絕相似互相聯絡互相猜忌更互相防維故歷次條約中必云如後有施恩之處各

國一律均沾其牽制鈴索之隱情大可樂見斷不能一國獨啟兵端使我駕馭得宜操縱有法則彼且為我用使雖鴟蚌可也使為冰炭可也即或不然亦必有此疎而彼尚親一違而眾不合斷不致各國同時決裂與我為難此無足深慮者一也西人雖勇於戰事而其兵則甚慎甚難必一國中君臣紳商詢謀僉同且籌有巨餉方肯命將即如道光二十年洋兵初來正林則徐為兩廣總督威名最著遂不敢遽犯廣東特乘浙江之隙及占據定海大可接踵內犯乃仍向天津訐冤次年二月奕山在廣東議和給予六百萬已可罷兵苟非裕謙剝皮為繯千甯波則江甯二千一百萬斷不致如此之甚也咸豐六年葉名琛與之爭執入城一事輾轉年餘始將省城攻陷迨僧格林沁在天津擊沈洋船一隻法國急於報仇矣至下年春命上海道吳煦令商人與之講解只給兵費二百萬一切仍照戊午原議其各兵即可撤回乃端華肅順拒之於內何桂清薛煥拒之於外洋人無可如何始大隊北上其時洋兵麇聚上海截來戰馬二萬匹在洋涇濱游牧中國共見共聞正髮逆迭陷蘇常使洋人乘利遂使翻然改圖以攻天津之兵先據杭湖為賊前驅則固唾手可得耳而西人未奉君命不敢為也以洋人前後數年情節度之其善戰而不輕於決戰實已昭昭然矣蓋華軍雖不能與之海上交鋒若陸路鏖兵則洋人自揣亦無必勝之券且我之兵勇調募可以不窮彼則來者只有此數全仗潮勇漢奸為之前隊而已此無足深慮者二也洋商自十三口通市以來其在中國購房屋長子孫已三三十年戀土情深惟利是急一有變故其數十萬資財產業皆付蕩然故前數年屢次為中土剿賊非其向化之獨真乃其自謀之更切苟非萬分怨恨豈肯自害其羽毛上年東洋無故饒舌在京威公使尚出而排解其不願通商各口岸攪擾為池魚之憂亦是確證矣雖東洋人心險詐叵測與西洋人不同不可不為之備然通商各口岸有西洋人貿易在斷不令其獨力鳩張此無足深慮者三也西人兵法最嚴而養之最厚其兵餉多於中華數倍雖一隊千人十死八九其一二成尚且直前不退每船數百人終日寂然無聲所派在船分段巡查者持槍往來足無停趾不但無故無一登岸者即在船亦無酣嬉高卧之人槍礮器械繩索什物不惜厚費必新必堅終日淬勵以待敵至即礮子之光滑亦如毬如鏡大小合腔加以規算測量故其礮能命中致遠無堅不摧雖王子貴人一經入伍與齊民等凡勞苦蠢笨事皆習為之梳高數丈緣索以登必行走如飛盡各兵之所能方為水師提督行伍之中從無一官一兵可以倖進此法律之精嚴中國不易學者一也西酋奉命出疆為全權大臣行止皆可自決其督兵時臨陣作何開仗每於未定計之光廣諮傳訪必集眾人所見擇善而從雖走卒末僚等皆可預議及既定策之後即王公貴人不能搖撼一切無知浮議更屏而不顧故下情無不上達而善策不能中撓敵之

山川形勢兵將強弱多寡城郭之遠近平險必先期偵探確實宣示各兵皆能胸中了了更各授以地圖臨時再三申誡合眾心為一心標有勝算方肯舉動從無孟浪從事之時此用兵之詳慎中國不易學者一也西洋舊制除臨陣死亡無論外凡所獲之囚傷者醫之死者殮之生者養之絕無摧辱陵虐之事兩兵相交使命往來不加梗阻一豎白旗立即止仗不得無故傷害逐日戰事准局外士人隨時記載無所為繒飾苟布置實非其罪為眾論所稱者各國皆可錄用如現在法國麥馬緯之類此待將之寬厚中國不易學者三也有此三長故其人心精力果敢少勝多兼之船堅礮利始克收其奇效否則孟子所謂兵革非不堅利也委而去之而已兵將法律之嚴且精者其本也輪船火礮之利且速者其末也有本而無末雖強弩不能穿魯縞矣談洋務者於西人之根本長技獨不一深長思之何哉夫中土之於西洋未必百事不知亦未必百事皆勝其間人情風俗各有所長而天理所存則無二致今人但知西人處處恃強處處恃勢而不知平時優卹其民信使其軍仍不能逃出中土聖賢之大道至理且舉措之間時有一二暗合者此其所以強也世人皆以西洋為智而臣獨以西洋為愚惟其愚也故用心能專製器能利而中土之聰明十倍過之其不專不精處則皆聰明誤之也世人皆以西洋為謫而臣獨以西洋為駭惟其駭也故政令嚴肅軍律整齊而中土之圓融亦十倍過之其不整不肅則又圓融誤之也今欲與之角逐求其富強之效必先探其富強之源究竟各國得力之實際乃由軍民一心法令整嚴乎抑僅在於船礮猛烈所向無前乎苟能孰其兩端而詳辨之則朝廷之上飭紀整綱發號施令孰先孰後孰緩孰急之次第自有主持而不眩於道謀策堂矣又洋人之擅在洋海戰爭在此謀利亦在此國初鄭成功竊據臺灣聖祖仁皇帝移沿海之民三十里以避之鄭氏遂為我國此即不與爭海之效也此時誠棄海之利害與洋人而但恃陸路兵民之心以勝之彼必技無所施矣溯自道光庚子起至今三十年內地與洋人交鋒惟廣東三元里義民八十三村及臺灣各社兩次大創之皆不恃槍礮之猛而但恃人心之聖前者已死後者再進洋人之利器竟亦不能致力從前捻匪盛時各省各縣築圩其圩不過秀才監生乃一發號施令數十圩中百萬人民皆能為之效死如果沿海地方官皆能如圩長之恩信及人則平日之民皆臨事之兵雖一呼而數十萬皆集矣船礮乃呆物待人用之而靈民心兵心乃活物激之可以必死其間優劣天壤相判矣先選沿海之督撫再選沿海之州縣如身之使臂臂之使指上下聯絡萬眾一心中土有船有礮固足以取勝外洋即無船無礮亦必卓然有恃而無恐與其費二三十萬買非人不行之船礮何如只用一千萬或減釐捐或墾荒產即可收沿海萬里之人心乎夫天下之大兵刑錢穀之煩邊府海防之重一一綜核其名實

振作而有為使各直省中無一民不安其生無一官敢曠其職節無益之費以厚斂於民間求有用之才各專以要任船廠固不必廢而不講但不專恃船廠以自強兵將要在練之使精更當求其兵將之敢死將見薄海內外同仇敵愾原志成城國勢蒸蒸日上外洋之人各有耳目自然既敬且畏不敢妄求其辦洋務之大臣恪守條約以恩信結之斷不致有無端要挾欺蔑之事再歷二十年我皇上春秋日富英明神武上荷天心眷佑機會方來亦如乾隆朝準夷故事定可復數世之仇洩數天之憤目前固不必急急追求奇效徒亂人心製器則畫虎不成臨陣則羊鶴不舞以舉棋不定累廟算以狼狽相倚故外疑竭千百萬小民之脂膏購東西洋唾餘之船廠有百損而無一益此天下士庶紳耆所異口同聲而無敢上訴者臣不勝懇懇急迫之至謹冒死上陳

擬陳洋務疏

郭嵩燾

竊臣因病兩次乞假回籍渥荷天恩優賞假期于時滇案辦理已有端倪而臣病久未痊分當求退五月二十四日英使威妥瑪貿然出京滇案未能議結臣宜遽能置身事外自應勉強支持暫請銷假而現在辦理洋務機宜有可一言其畧者伏思夷狄為患中國自古皆然所以控御之方戰守和三者而已彼其侵擾有常所其威衰有定勢因時制變應之有餘洋人以通商為義環列各海口深入長江數千里藉釐生端以求便利名為外憂而實禍實在內地名為敵國而構禍不出邦交故臣以為今日之洋務戰守和三者俱無可言何以言之凡戰有二曰攻剿之師曰應敵之師西洋各國遠隔數萬里中國不能往攻明矣而如洋人練兵製器之精其君臣相與講求日新月易未嘗稍息而獨不肯輕易用兵其視通商各口皆其利藪意尤護惜之彼不言戰何為迫使戰乎凡和有二曰定歲幣之等差曰議聘使之禮節曰辨稱號之崇卑洋人通商二十餘年從未較論及此咸豐七年廣東用兵而上海甯波通商如故次年天津用兵即廣東通商亦復如故其苛索兵費但以為因此用兵兵費即取償於此始終通商而已每一滋事增加口岸徧據要害所爭莫大於是更不得以和論至於守之為義由皇古至於今日由天下至於一家莫能廢也中國沿海九千餘里大小百數十口虎門大沽并稱天險道光二十五年三口通商以後洋務辦理已有成局增修虎門礮臺為善後之計費至數百萬咸豐七年洋人直入一毀無餘咸豐九年天津防堵良將勁兵高壘巨礮之用終亦不能持久至於廣東展轉貽誤而有甯波之失金陵展轉貽誤而有鎮江之失延及咸豐七年廣東省城為洋人襲入擾及天津洋務遂至窮於辦理此其成蹟亦畧可觀矣今且偏及內地設立公使駐紮京師曾無藩籬之隔故臣以為守者經國之常畧而非目前防海之勝算也竊謂辦